



Inatsisartuni ilaasortaq Villy Olsvig, Inuit Ataqatigiit  
Maani/

**§ 37 naapertorlugu apeqquteqaammut nr. 011-mut qeqertani Innarsuatsiaat, Agissat, Kitsissunnguit, Niaqornat aammalu Saattuarsunni teriannissanik nungusaasinnaaneq pillugu akissuteqaat**

Ulloq: 22-01-2018  
Suliap normua: 2018 - 1575  
Akt normu: 26993050

Inatsisartut suleriaasissaanni § 37-mi imm. 1 naapertorlugu apeqqutinik Naalakkersuisunut nassiusaqarsimavutit qeqertani Innarsuatsiaat, Angissat, Kitsissunnguit, Niaqornat aammalu Saattuarsunni teriannissanik nungusaasinnaaneq pillugu. Apeqqutitit uanga suliassa qarfigisannut akisassanngortinneqarput.

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apn@nanoq.gl  
www.naalakkersuisut.gl

**1) Qanormita teriannissat qeqertani taaneqartuni Innarsuatsiaat,- Angissat,- Kitsissunnguit,- Niaqornat aammalu Saattuarsunni nungusarneqarnissaannut suliniutigineqartussatut pilersaarutaasoq aasap ingerlanerani angusaqarfua?**

Ad 1) Upernaakkut 2017-imi teriannissat iliuuseqarfigineqarnissaat iluatsinngitsoorpoq. Tamatumunnga ilaatigut aput aamma qeqertat eqqaanni sikoqarnera, ilaatigullu aamma piniarnermi nakkutilliisoqarfimmi isumalluutininik amigaateqarnermik pissuteqarpoq. Tamatumani saniatigut Pinngortitamut Avatangiisinullu Naalakkersuisoqarfimmiit (PAN) piffissaq immikkut akuerineqarfiusoq naammassimangilaq, aputip sikullu aareernerata kingorna iliuuseqarfiusinnaasumik.

Maajip aallartissimalernerani 2017-mi piniarnermut nakkutilliisut qeqertaniipput, kisianni qeqertat suli aputeqarpallaarsimapput, qeqertallu angalaarfigineqarsinnaasimangillat. Isumalluutininik amigaateqarneq peqqutigalugu piniarnermut nakkutilliisunit qeqertat uterfigeqqinneqarsinnaasimangillat piffissarititaasup iluani. Piniarnermut nakkutilliisut angallataat qaninnerpaaq Ilulissaniippoq taamanikkullu nunami qaqeqqalluni. Nakkutilliisoq Arktisk Kommando-p nakkutilliissutaa Knud Rasmussen-imik ikiorneqarsimavoq.

APN-ip PAN attaveqarfigaa qeqertani pineqartuni terianniaqarnerasoq alapernaarsorniarlugu terianniaqarsimassappallu toqutsinnissaat pillugu immikkut akuerineqarnissaq qinutigalugu. PAN-imit piumasarineqarpoq inatsisini maleruagassat naapertorlugit teriannissanik toquraasinnaaneq aprili qaammat naatinnagu pissasoq, eqqissisimatitsinerit aammalu aalisarsinnaanermut inerteqqussutit innersuutigalugit.

Upernaaq aprilip naanerani majillu aallartinnerani qeqertat pineqartut eqqaani imaq suli sikoqarpoq. APN isumaqarpoq sumiiffiup imartaa suli sikoqartillugu qeqertani terianniaqarsimassappat toqoraaneq taamaallaat killilimmik iluaqutaassasoq, toqoraareernerup kingorna teriannissanik allanik qeqertanut sikukkut ikaartoqarsinnaammat.

**2) Suli sulissutigineqarnera naammassineqarsimangippat, taava qanoq teriannianik nungusaaniarnerup sulissutiginiissaa takorloorneqarpa?**

Ad 2) Qeqertat sikusartumiipput, ukiullu tamaasa aput sikoqarneranilu pissutsit nikerarlutik. Taamaattumik qeqertani teriannissat ajornartorsiutaanerat millisinniaaraanni suliasaq ataavartumik ingerlanneqartariaqarpoq. APN isumaqarpoq sumiiffimmi sikuusartilugu teriannissat qeqertanut ikaarsinnaajuassasut. Taamaattumik nakkutilliineq sikuernerata kingorna aamma timmissat manniliorpallaalinnginnerini ingerlanneqartariaqarpoq. Allatut iliornikkut teriannissanut pullatinik qeqertani ikkussuisoqarsinnaavoq. Periu-seq taanna nalilersorneqarpoq.

Maannakkut suleqatigiissitamik pilersitsiniartoqarpoq PAN-imit APN-imeersunillu inuttartartussa. Suleqatigiissitap pilersinneratigut siunertaavoq qeqertani upernaakkut aalajangersimasumik nakkutilliisoqartitsinissap aningaasassarsiuunnissaa, upernaakkut ataasiarluni marloriarluniluunniit nakkutilliartortarneq naammanngimmat. Suleqatigiissitap isumagissavaa piviusumik suliasat, periutsit sorliit aamma soorlu teriannissanut pullatinik pissarsiniarnissaq qeqertanilu pullasersornissaq. Sapinngisamik sumiiffimmi nunaqarfiiit qaninnerusuni innuttaasut suleqatiginissaat siunniunneqarpoq, nakkutilliisus-samik atorfinitsinissaq aamma soorlu pullatinik ikkussuinissaq taakkulu nakkutiginis-saat.

### **3) Qeqertat pineqartut aamma arnarlunniarnerup ingerlanneqarnerani anner-tuumik aalisartuniit aallaavigineqartarput taamaattumillu ilimagineqarsinnaalluar-poq qassutikunik peqarsinnaaneri, taamaattoqassappat saliisoqarsinnaaneranut qanoq takorluuisoqarpa?**

Ad 3) Nipisanniarneq pillugu Namminersorlutik Oqartussat nalunaarutaat nr. 2, 2. febru-ar 2016-imeersumi § 11 malillugu aalisartut akisussaaffigivaat nammineq nipisanniar-nermut atortutik qaqinnissaat. § 11-mi ima allaqqasoqapoq:

”§ 11. Aalisarnek unitsinneqarpat nammineq aalisarnermi atortut tunngavilersuutita-qanngitsumik qaqinneqassapput.”

Taassuma saniatigut Piujuannartitsineq siunertaralugu aalisarnerup teknikkikkut ilu-arsartuussivigineqarnera pillugu Namminersorlutik Oqartussat nalunaarutaat nr. 4, 30. marts 2017-imeersumi § 18, § 19 aamma § 20 malillugit inatsimmi piumasarineqarpoq aalisarnermut atortut piginnittup aqqanik aamma najugaanik nalunaaqutsersimanissaat, aalisarnermi atortunik annaasanik qaqitsinermut atorneqarsinnaasunik nassartarnissaat kiisalu qaqinneqarsinnaanngippata 24 tiimit iluanni Kalaallit Nunaanni Aalisarsinnaa-nermik Nakkutilliisoqarfimmut nalunaarutigineqarnissaa.

Nipisanniutit nipisanniareernerup kingorna qaqinneqarsimanngippata taava piniarnermut aalisarnermullu nakkutilliisut nalunaarsorumaarpat suliallu ingerlateqqinneqarnissaa isumagalugu.

Inussiarnersumik inuulluaqqusillunga

Karl-Kristian Kruse  
Aalisarnermut Piniarnermullu Naalakkersuisoq